

江夏縣志卷之二

武昌府江夏縣知縣陳元京纂修

城池

津梁附

楚地北枕河洛南接湖湘上通黔蜀下連吳會而武昌實爲全省之根本設險守國城池尤重江邑城有九明洪武命江夏侯周德興所築

國朝祖澤遠增修倍見崇隆堅固而長江天塹又極浩浩落落之觀所謂天險不可升地險山川邱陵者莫備於省會豈但如孫權之築夏口城僅偏安江左也

江夏縣志

卷之二

城池

一

哉舊志津梁以次附錄作城池志

夏口城在縣西黃鵠山荊州圖記江夏郡所沿其西南角因磯爲高墉枕流上則迴眺山川下則激浪崎嶇是曰黃鵠磯水經注魏黃初二年孫權所築依山傍江開勢明遠憑墉藉阻高觀枕流對岸則入沔津故城以夏口爲名劉宋順帝時柳世隆等守之沈攸之攻之不克梁末陳初周將史寧爲土山長梯攻之不能破黃巢之亂止陷外郭蓋其城依山負險周迴不過二三里乃知古人築城欲堅不欲廣也

萬人敵城在黃鵠山頂宋建炎間草寇犯城郡守從上以強弩射之寇退因名

郢城在黃鵠山卽古夏口城劉宋郢州治此南史紀梁武帝自襄陽起兵攻郢城見數百毛人踰堞且泣因投黃鵠磯蓋城之精也及明旦城降

曹公城在縣東北二里梁武帝起義兵遣曹景宗築曲水城及攻鄂城又遣王世興屯兵於此

汝南城在縣南塗口卽汝南僑郡故城晉咸和中寇逼汝南郡民流寓夏口因置城於塗口爲汝南郡

江夏縣志

卷之二

城池

二

祖澤遠增修中和門舊向南順治十三年改外一層向東康熙三十五年仍復舊制

烽火城在烽火山

會城築自孫吳赤烏曰夏口城宋齊梁陳因焉劉宋郢州治此更名郢城唐牛僧孺陶甓磬之宋皇祐中知州李堯逾修洪武四年江夏侯周德興增拓周二十里有畸計二千九十八丈東南高三丈一尺西北高三丈九尺池周三千三百四十二丈深一丈九尺濶二丈六尺爲門九東曰大東小東西曰竹籐漢陽曰平湖南曰新南

曰保安曰望澤北曰草埠嘉靖十四年都御史顧璘易
大東曰賓陽小東曰忠孝竹籐曰文昌新南曰中和望
澤曰望山草埠曰武勝

津梁

洋子江渡由漢陽門以達漢口平湖門以達漢陽舊用
民渡江濶水駛輕舠遇風多葬魚腹明萬歷二年左布
政司陳瑞置巨艦八江夏縣歲編水手十二名改募渡
人領之今仍民渡

青林渡在縣南二十里舊有石橋日久圯壞渡人須索

江夏縣志

卷之二

城池

三

無厭行旅苦之

游家渡在縣南八十五里

仙人渡在縣南九十里梁子湖西

北嘴渡在縣東南九十里梁子湖北

南嘴渡在縣東南一百里梁子湖南

八分渡在縣東南五十里

山門渡在縣西南七十里卽山門湖之口也水漲則寬

三里許水涸僅半里耳

女冠山渡在縣西南七十里一作羽冠渡

引振渡在縣東南九十里

冶塘渡在縣東三十里

白洋渡在縣東北四十里

浮橋在望山門外由橋以達金沙洲江水支流所經兩岸相峙明宏治五年知府冒政造舟爲梁正德庚辰周儀改造嘉靖壬子知府嚴中增修其水夏溢冬涸楚藩架木爲橋更名王惠萬歷中學使竇子儺重修

新橋大司馬熊廷弼建青石磴如梳形濶約三丈許引湯孫湖南湖黃家湖青林湖諸水以入江磴上有槽水

江夏縣志

卷之二

城池

四

泛兩旁用木板爲閘中築土以障江水各湖湖田賴焉工未竟而逝康熙乙未總督額倫特重修

明月橋在文昌門內旁有古文昌閣

清風橋在文昌門內

分金橋在望山門內

滋陽橋在明楚藩東

伏龍橋在中和門內俗傳晉許遜自豫章追蛟至此蛟爲白驢伏橋下

蒼龍橋在保□門外

平湖橋在平湖門外

陞仙橋在平湖門外

雙桑橋在大新捷下漢陽門闌口引水入江處今改名
萬年橋

鯽魚橋在武勝門外

七星橋在大堤口漢陽武勝二門城濠積水由此入江
今故道久堙橋尚存

青石橋二一在忠孝門外一在藩湖都撫堤

廣平橋在賓陽門外跨南湖宋紹興中建

江夏縣志

卷之二

城池

五

上橋在忠孝門外

老人橋在縣東南十五里

黃金橋在縣南四十里

青林橋在縣南二十里今圯改爲渡

白洋橋在縣北三十里明宏治中周廷用建萬歷己丑

大中丞常居敬重修有碑土埠屬容故水漲猶有容姓
渡舟焉

高橋在縣南五十里有高橋寺

冶湖橋在縣四十里橋圯周石輔募舟以渡後乾隆四

十七年程聯槐重建

上塞橋在縣南三十五里

萬封橋在橫山里石頭嘴里人徐杰建

上橋在縣東四十里

豹澗橋在縣東七十里橋頭有石曰豹子石

長虹橋在縣南五里

孟橋在縣東三十里相傳孟司空建

吹笛橋在縣東三十五里吹笛山下相傳關忠勇曾屯兵於此黃履泰倡修

江夏縣志

卷之二

城池

六

雨落橋在縣東南四十里

黃屯橋在黃屯舖一名姑嫂橋

楊橋在縣東南六十里有亭

仙人橋在縣東南九十里濱梁子湖上有仙人寺

踏泊橋在縣南七里

李家橋後更名宏濟橋在縣南二十里乾隆五十八年

程雲炳重修

板橋一二在李家橋北一在獅子橋南

張公橋在縣南四十里舊名張公渡康熙五十七年橋

就圮邑紳士黃士鵠周觀海賀任募捐重修

獅子橋在縣南七十里有亭

太平橋在縣西南七十五里

靈港橋在縣南八十里

小紙坊橋在縣南六十里程雲炳重修

菓盒橋在縣南百一十里聚仙舖橋頂有石鐫菓盒形

俗傳仙人對奕有持盒而獻者因名

雷公橋在縣西南四十里

庶安橋在縣東六十里里人鄭廷祥建橋以其字名五

江夏縣志

卷之二

城池

七

世孫大藻復捐貲續修又有沈鏡字西川者勤儉治家篤行孝義子士漪士效亦共勸盛舉焉

曾家橋在縣西南五十里乾隆三十八年程聯槐重修

廖家橋在縣西南五十二里

里馬橋在縣西南六十里熊襄愍建程東山弟兄重修

陽福橋在縣西南六十里

上畝橋在修賢二里程雲炳重修

會仙橋松樹灣蔣家灣龍王廟灣板橋湖灣係白洋橋

東路通衢向苦地形窳下積水病涉桂峯捐貲倡衆每

灣修堤計六里許復各堤建修石橋獨板橋湖之橋卽
舊會仙橋遺址湖港冲滙工費最大累年乃成自是行
者稱便顏曰萬年橋

金鎖橋在修賢二里田家畝程雲炳獨修有碑

龍穴橋在縣北四里

瓦莊橋在修賢里程聯槐聯松聯彬兄弟創建又建茶
屋三聞涼亭一座施茶湯以便行旅

韓家橋在縣南九十里

江夏縣志卷之二

武昌府江夏縣知縣陳元京纂修

風俗

物產附

吾邑風俗歷代紀之詳矣明郭志及今張志潘志論多互異有言其善者有言其不善者要之質其性而華其習愿其性而黠其習習俗移人誠有如潘志所云者當分別觀之可耳作風俗志

漢

班固地理志云火耕水耨民食魚稻故啻窳偷生而無

江夏縣志

卷之二

風俗

一

積聚

隋

地理志云人多勁悍決烈

唐

崔郾云土沃民剽雜以彝俗

圖策云田里小民務農力本

又云自昔軍興士民頗鮮存者而西北避地者萃焉東南趨利者輳焉五方雜寓家自爲俗

宋

柳拱辰郡守題名記云士子以文詞相高有六朝舊體元明善武昌路學記名武弛文張民日趨於禮樂而不知爲之者

歐陽元云俗尚質朴不事浮華

國朝

省志云武昌隸會省四方輪蹄輻輳之處民俗視列郡稍靡縉紳服習教化尚不改其惇愿之習非公事不輕闖公門士樂絃誦少紈綺之好故科第不乏其小民畏挺甚於懾刃其愚如此可念也若其人廣心浩大如其山川之氣不喜偵吏長短以故臧否未易聞也楚民故龐厚而鄂爲首故著之云

國朝

潘志云江邑幅幅緜亘百里當省會衝租稅所入不足以備一年之儲仰給者皆湖南沔漢所輸運其山則複嶺澤爲巨浸種稔町疇十不三四有田者不躬畝畝實產難棄業易拙於封殖敦於詩書班固所謂嗃窳偷生而無積聚洵然與至其廛肆牙儉魚米市魁土木技藝

江夏縣志

卷之二

風俗

二

卜筮陰陽率多外籍若序鬢之餘經術之外無他畸習
抱隕詘之恥高不見之節縉紳先生懸車之後深自養
重惟與親戚話舊山水娛情鮮雜賓他嗜高風勁節自
昔而然當明季時寢淫以薄而今之士大夫猶能兢兢
守禮不妄干法紀云歲時之俗與各邑同也

元旦盛衣冠最蚤鳴爆啟外戶出向歲所利方拜祝復
拜社神乃歸曰出方遲出則恐遇丐子輩不祥爲一歲
咎也入則拜祖先賀歲幼以次拜長者賀歲是日同村
合族或異村近族必往來相慶或大酺極一日驩自是

江夏縣志

卷之二

風俗

三

周親密友讌集酬酢幾盡一月親睦之風藹如

上元早食屑糯米爲粉團俗謂糊田塍使不滲漏也食
後村婦女羣入林折枝簪髻爲踏青遊

上元夕村女輩以舊歲二十四夜露置屋上柳枝冪之
女衣作婦人狀左右持之誦俚歌以降神云請戚姑來
則各如所叩以首肯否決休咎按神傳爲戚姬俗訛謂
七姑以七星仙女益荒謬也

上元夕剡竹蒙紙爲龍狀篝燭者曰龍燈作獸狀魚狀
曰散燈鼓吹喧闐往來紛織爆聲達旦前後數夕亦如

之城或爲游龍或爲麒麟或爲狻猊或躡行之戲月杪諸游手比戶釀金演劇曰燈戲

清明日墓祭以竹木枝束五色紙或挂楮錢或綴綵毬植於墳巔子孫羅拜有闔族鼓吹聚飲者亦綴食之遺城東有東嶽廟匾額鱗萃不可數三月二十八日爲天齊會先十數日遠近紛來懸榜演劇燃閻羅十曹燭鐃鐸步虛聲不絕市中百戲遯陳觀聽鶩集多趨墟者三月內會城人爭於城東各寺釀飲曰上廟其時東郊之春遊者香車寶馬絃服靚裝極藻野縟川之盛

江夏縣志

卷之二

風俗

四

端午日鄉人蒲艾插門飲雄黃酒城中兼食角黍曰解糗漢江於是日龍舟競渡懸賞者曰標船以角勝故或至覆溺且有鬪狠者弔屈之意可存而競渡之戲當爲厲禁

端午夜婦人以荆條拂帳中向外驅之辟蛟蚤也

五月十三日俗呼是日雨爲磨刀雨若不雨則麻熟蓋謂雨則以雨磨刀不雨則磨以油也

七夕俗多食菱曰齧巧訛乞爲喫也

七月十四日俗謂鬼給假之時故鬼十四日新鬼先數

日亦新鬼大故鬼小之說也家各以紙裹楮錢焚之曰冥祿事雖不經要亦秋霜之惕

七月十五盂蘭盆會糊紙爲盞注油然燈置於水中云照幽冥以度鬼白沙洲頭紅燈萬盞順流而下燦爛江波寶通塔七層密綴赫赫若張火繖也

八月朔望日多赴黃陂木蘭山進眞武香者先數日鳴金呼佛趾錯於途城中先於首人處設壇奉眞武像又刻木爲山狀列眞武巨靈諸神像其上有柄持之爲前道曰亮子延方士建醮日祈脚力一倡羣和佛號聒耳

江夏縣志

卷之二

風俗

五

識者嗤之

中秋夜團錫爲果鄉人比戶皆然村中少年羣於各瓜畦探之曰摸秋得瓜者女祥得葫蘆男祥也城中少婦爭於滋陽橋一石龍首撫之以爲禳禱不曉所謂十二月二十四夜爲小歲錫團菓餅以祠竈神以上天奏善惡故送之曰送司命是夕不舂不磨俗謂鼠嫁女若驚之則擾彼一夜彼卽一歲擾人也

除夕更餘時爇香炳燭以迎竈神以楮錢粘之門楣曰封門錢自是外戶不啟遍室然燈無暗處時注油剔之

使明滅卽以爲不祥謂是夕爲疫神佈災時也舉室不臥曰守歲夜半聚飲曰團年犬閉之內必使不吠吠卽急鳴爆辟鬼祟也是夜爆竹聲鼓吹聲比戶相聞達旦將曙犬先鳴有災貓先鳴多魚聞者以是占歲

除日午炊俗視其米瀋至清則歲澇濃而浮皆漿皮則歲旱或間有之則視所在卜其方旱云驗甚也

娶必備禮親迎新婦輿至門道家云有白虎凶神鄉人鳴金以方士禳之曰遣白虎城中無之市居多用綵轎曰百子轎有贅入婦家期月而歸者曰捲帳縣東鄰邑

江夏縣志

卷之二

風俗

六

敝俗新婦至三日不避長幼入室惡謔近邑境漸染其習常爲厲禁

產時城中必用蓐媪俗稱稔婆以之接生每有握苗之助轉滋驚擾貽害者多

產有兒生不啼者俗呼悶臍生或使門頻開闔有聲或穴堂中瓦若中窻或呼其父母乳名兒卽啼也

小兒三朝洗兒曰洗三九朝曰洗九匝月曰滿月週歲羅諸物於前坐兒爪之視所得卜終身曰抓週皆晏客縣東鄰邑敝俗溺女今邑近境亦如之當爲厲禁

兒慮不壽者俗斂銀鑄鎖鑿之頸曰百家鎖甚或拜僧爲徒服僧衣冠曰寄名僧

小兒始授句讀避有閏之年謂恐滯鈍不靈或遲達也親喪有循古禮不修佛道事者然用釋道者多殮後十數日設祭掩戶闔室避之他所曰回殃謂亾者歸時避殃神也葬時必盛饌讌客否則訕笑城中弔者入卽就坐飲噉素旒丹幕貌象蒙供備極觀美有溺形家言或久淹不葬固亦求子心之忤而惑有甚者

城市間數年有迎神會爲台閣數十藏鐵心於內以織

爲巧飾其外使無迹高數丈立小兒其上扮演往事曰故事其他鼓棚緩亭躡行諸戲暨古玩儀衛侈極耀觀坐神於座舁之少年盛飾立其後擁小蓋者曰躡盤必富家兒得之晏賀爲榮者也釀金角勝糜費不貲頗極昇平之盛

里多家塾地必避喧就寂門必當直流以得水靈秀之鍾也主之者爲延塾師集遠近負笈者四時絃誦不絕曉案之芸烟紛綠夜牕而燈火爭紅殆彬彬禮樂風矣

江夏縣志卷之二

武昌府江夏縣知縣陳元京纂修

建置

周禮六官皆言建置也上而公卿大夫下而府史胥徒宏綱細目備載其中沿及後代幅員廣而政治多科條雖不外乎六官建置則倍煩於往昔我

朝幅員之廣爲亘古所無楚省會當南北衝本省與他省事率由江夏而達自督撫以及末秩由吏戶而迄兵工建置綦繁江邑以一縣而爲一省之萃其設立

江夏縣志

卷之二

建置

一

在省域內外者所必詳焉作建置志

萬壽行宮在高冠山前前臨墩子湖左長湖右灣湖最前爲影壁影壁內爲五鳳樓樓下門三次御河列橋三次朝門次闕次正殿次寢宮次後宮宮殿俱有廊屋闕門旁爲東西朝房西朝房前爲校射堂後宮東西爲小寢朝門右爲

青宮前宮門次正殿次內殿次寢宮內殿及寢宮東西俱有廊朝門外東出爲御苑遊廊逶迤直達苑內苑西南爲梨園歌臺爲便殿稍北爲水仙亭爲金魚池池上爲金水橋直北爲別館東高阜隆起處爲梅花山東南爲水閣遊廊直

出水上四圍聚土爲山環繞周遭壯麗康熙四十三年建以望

幸今爲朝賀祝釐之所

萬壽亭在黃鵠山白雲樓後亭制六方內石碑二恭勒蠲免錢

糧

俞旨暨優恤老人

恩詔亭外坊曰

萬壽無疆康熙五十三年士民公建

憲署

江夏縣志

卷之二

建置

二

總督部堂署在望山門內後因制府移駐荊州提鎮借棲康熙二十一年總督董衛國還鎮重修

巡撫都察院署在前所營按舊志明景泰四年設於布政使署右隆慶五年御史張仲羽遷建鳳凰山南汪道昆有記癸未順治十二年巡撫林天擎建遷忠孝門內前所營卽邑人中丞常居敬宅及左師氏右張氏兩宅擴之復買民舍通後所營爲頭門轅門暨左右圍牆立泰山石碑二左碑外買民地爲官街寬六丈東抵民居右碑外買民地十餘丈爲官街設司道上院公署西抵

民居

提督學院署在前所營卽康熙十七年學使宜興蔣永修所建道署也按舊志督學道署原在漢陽門內明正統十一年學使薛綱建於平湖門內臬司門左歐陽旦有記崇禎十五年學使高世泰建曉閣於署右明末兵燹順治初臬署移小東門內學使署仍在平湖門順治十七年學使周啟岐建振德堂設考棚康熙五年學使李可汧移署臬脂山南在撫軍右及臬司移平湖門舊署康熙十四年學使鄭崑璧又移東門臬司署康熙十

江夏縣志

卷之二

建置

三

七年學使蔣永修用價千餘金買守道左首民舍作今署康熙三十四年學使岳宏譽以武漢兩郡優免銀大設考棚棹橈康熙四十一年改設學院特於署門外增置鼓棚牙旗其規制與制撫同至從前漢陽門內之署其基地爲民所居平湖門之署臬司作署撫軍右之署爲撫中軍署小東門內之署原係故宗室地久奉文給還故宗

巡按察院署明永樂元年設於布政司左正統十一年災正德八年御史胡正重修嘉靖中御史吳百朋擴修

祭酒魯鐸有記癸未火

國朝移署於糧道署左順治十八年裁署原係宗產給還
總鎮府署在布政司西南明成化間自辰州始移省城
文昌門內宏治十三年鎮遠侯顧溥擴地重建明季兵
燹順治中提督柯永盛僦居民舍康熙初移鎮荊州十
年還鎮武昌提督李胡拜卽督新居之今復移鎮常德
布政使司署在黃鵠山陰明洪武間改行中書省刱建
正統十一年七月災十三年左布政使馬瑾重建崇禎
癸未兵燹康熙四年左布政劉顯貴卽舊址重建後布

江夏縣志

卷之二

建置

四

政使徐惺繼修

右布政使司署在司右康熙四年分藩長沙

分守武漢黃德道署在學院署右明季兵燬康熙十二
年徐惺卽舊署修之今改漢黃德道移駐黃州

驛傳鹽法道署在學院署左今改鹽法武昌道驛傳歸
按察司管理

糧儲道舊署在布政使西明季兵燹順治間叅政李發
藻移置前府街今仍之

布政經歷司在堂右

布政照磨所在司署左後兼管鹽道庫大使

布政廣備庫大使在司署右

糧道庫大使署在糧道街

按察使司署在平湖門內黃鵠山南明洪武五年設正統十一年七月災按察司王瑄重建副使薛綱有記明末兵燹

國朝卽故宗室居爲署在小東門內康熙十年臬司閻廷謨仍移平湖門內原處臬司王毓賢重修
經歷司署舊在堂左今移武當宮前

江夏縣志

卷之二

建置

五

司獄司舊在司署右今同署於府

都指揮司署在文昌門內明季兵燹順治中都指揮使包鴻陸卽舊址重建康熙中改爲都司署雍正二年裁今爲中協署

武昌府署在漢陽門內明洪武甲辰設正統十一年七月災天順三年知府吳天爵張勛重建學使邱藩有記明季兵燹順治七年知府王維屏卽舊址重建康熙七年知府張璠以規制不稱捐貲重修後知府杜毓秀武廷适尤汶相繼增修

清軍廳署在堂左今移學院右卽分守道舊署
糧捕廳署在堂左

理刑廳署在頭門左康熙七年裁十三年添設理刑同
知二十三年復裁

經歷司在堂右明季火康熙五年朱之焜復建

照磨所在堂右

司獄司在堂西

縣署

江夏縣治舊在石子岡隋開皇中自塗口徙於焦度樓

江夏縣志

卷之二

建置

六

下唐貞觀中徙府城南宋紹興中仍還樓下元因之明
洪武九年封建楚王遷漢陽門內知縣李永信建後知
縣葉鳳翔請卽清軍察院舊署改建於鳳凰山下郭正
域爲之記

國朝因之知縣劉朝英重建金廷襄重修

頭門三楹

儀門三楹

大堂三楹

後堂三楹

縣令住宅三重在後堂北

書房三重在後堂西

二庫舊在大堂左今在大堂左右

案閣舊在大堂右

六房吏廨共三十六楹在大堂左右階下

戒石牌坊舊在堂下今廢

文昌祠在頭門內左知縣陳萬策建今在門外左

縣城隍廟舊在頭門內右知縣劉朝英重修今在門外

臨大街

江夏縣志

卷之二

建置

七

寅賓館三楹在頭門內左知縣張其修建洪國輔重修

順民倉在頭門內右

通泉坊舊在頭門外

獄舍在大堂東北

土地祠在大堂西

馬廄五楹在大堂左今移武勝門內後可通縣署

縣丞署在四衙巷內

管餉主簿廳舊在堂左久裁

撫民主簿廳舊在堂左久裁

典史署舊在堂左後遷於崇府山下今仍在堂左

鮎魚口鎮巡檢司在縣南城外明洪武丁未設

澣黃鎮巡檢司在縣北三十里明洪武甲辰設

金口鎮巡檢司在縣西南六十里明洪武己巳設

夏口水驛舊在平湖門外明洪武五年設順治十六年

歸併將臺驛

金口水驛在縣南

將臺驛歸縣城卽在馬號辦差

東湖馬驛在縣東明萬歷末改置紙坊離縣六十里

江夏縣志

卷之二

建置

八

山坡馬驛在縣南一百二十里今改巡檢名山坡司

雜署

公衙門在明楚藩城前今廢

料鈔廠在漢陽門外康熙四十四年災同知圖納重建

轄屬遞運所在文昌門外今廢

批驗茶引所在文昌門外今廢

稅課司在文昌門外今廢

陰陽學舊在鼓樓左今廢

醫學舊在府城隍廟左今廢

惠民藥局在府街今廢

僧綱司五大寺輪管

道紀司舊在武當宮

迎恩館在漢陽門外

倉廩

大有倉在府北

積穀倉明季宗武岡王貯積穀備賑舊址撫院林天擎
重建知縣洪國輔復修

常平倉在平湖門內貯積備賑總督祖澤遠建雍正元

江夏縣志

卷之二

建置

九

年更建於新興一舖今廢仍歸平湖門內

軍民永利倉在文昌門外濱江俗名糧廠貯本府兌運
漕米明季兵燹

國朝重置

社倉雍正元年總督楊宗仁題請設建分貯各鄉四十
處

南糧倉在花堤

錢局在縣西南後改爲常平倉積貯捐穀備賑雍正七
年復設寶武局於保安門內

教場在武勝門外正廳三檻明末兵燹總督羅繡錦撫院遲日益重修今廢

小教場一名閱馬廠在楚藩左正廳三檻後廳三檻巡撫劉兆麟建

坊市凡八

前街即府街口

後街俱縣南糧道街

長街即鼓樓大道

西街都司前

水陸街縣東南

十字街縣南城

河街在縣西漢陽門外

草埠街在縣北

棹楔

江夏縣志

卷之二

建置

十

三元坊在府學爲宋馮京建今廢

彰孝坊在明楚藩前爲端王勅建久廢

天恩存問坊在水陸街相國賀逢聖建以昭恩遇用白石爲之不事雕琢廢久

賢行可嘉坊在賓陽門內爲朱英燦建今廢

秉正持公坊爲武岡王出首楚王英燿事建今廢

四牌坊在文昌門外爲詹氏父子兄弟建今廢

八彥坊在望山門內爲崇陽汪氏父子兄弟建今廢

大總制坊在八彥坊之左爲御史陳金建今廢

忠節坊在長街爲死事左都督徐勇建

忠節坊在糧道署右爲糧道葉映榴建

百歲坊

一爲徐倫伯百歲建招賢里

一爲鄔必信百歲建賢則灣

一爲馬正銓百歲零一建新有局

一爲陳國瑞百歲建新興一舖

一爲湯雲山一百四十歲乾隆十年建坊武勝門外大

隄口

江夏縣志

卷之二

建置

十一

御書再閱古稀

一爲吳國瑞年一百二歲孫曾四世一堂乾隆五十四

年

恩賜詩一首

新正奏疏達金門率用休徵稱吉言江夏民登一百二盛

時壽冠衆黎元康强身嘗行他郡期艾歲方返故園繞膝

孫曾纔四世勝伊五世見元孫

女百歲坊

一爲馬銓妻蔣氏建清貞寺側

一爲楊祖位妻崔氏賓陽門外

貞節坊

一在前所營東爲劉滋妻徐氏建

一在永豐里爲教諭劉復元妻傅氏建

一在上西二里爲徐晟妻馬氏建

一在崇文七舖爲劉蘭妻胡氏建

一在糧倉側爲羅國棟妻梅氏建

一在保新舖爲廩生張岱妻殷氏建

一在龍泉三里爲蔡爾縣妻胡氏建

一在糧道署後爲劉國柱妻楊氏建

一在大隄口爲國學生蔣宏道妻朱氏建

一在招賢里爲容怙祖妻畢氏建

一在新興一舖爲庠生陳光祚妻汪氏建

一在後所營爲葉溥天妻戴氏葉蓄天妻戴氏雙節建

一在長街爲盧兆璜妻趙舉姑建

一在賓陽門內爲徐三汲妻毛姑建

城鄉建坊者指不勝屈傾圮者不載

雜置附

養濟院在忠孝門外

育嬰堂在糧道署左

漏澤園在賓陽門外

勸農亭在小塔寺左布政使黃志遴建